

賜

綺

堂

集

賜綺堂集卷二十詩目

赤松游

雲夢游

水寒傷馬骨

梨花二首

盆花十首

白梅

紅梅

綠梅

蠟梅

牡丹

水仙

山茶

海棠

玉蘭

草蘭

文信國古琴

謝文節竹如意

姪豹文省余冶城喜賦三首

奉題芸臯觀察襄陽集八卷卽送其奉諱東歸

王香雪明經 乃斌 以紅蝠山房詩鈔惠寄賦此

奉酬

劉謹齋 法言 以樂餘圖求題

小舟阻風轉泊東溝竟夕不得寐二首

三郎曲

烏啼曲四首

客有以琵琶亭畫幀求題者書此答之

因樹爲樓落成

金湖雜興二十首

迎春曲

尺雪誌喜二首

封印

立春前一日園丁自鄂城冒雪肩唐花數種而至中有牡丹先放因賦此詩

歲除四首

文待詔畫桐江釣客圖

書青藤山人詩卷

題友人周莠堂

維康

荷塘消暑圖

奉檄赴嘉魚會同文蕉農
雲明府鞠獄信宿縣
齋旣竣事主人約余一覽石城赤壁之勝因匆

勿返轡弗及追陪歸途得詩二首馳寄

茗香自編雙桂堂詩六卷詞一卷賦一卷已印
行矣仍求勘正賦此六章却寄

王竹嶼觀察自河朔乞歸泊游鄂渚別逾三十
年不得一見瀕行以所貌畫幀四幅屬題賦此
四章奉柬

江聲帆影閣

松楸丙舍

白雲回望

黃河歸權

詩成尙未郵寄而竹嶼觀察江上傳牋繼至且
馳示見懷長律二章仍依韻奉酬

周介夫鳴鶯刺興州奉檄來至治城會勘訟案
別已十年信宿山齋返旆後郵詩二首依韻奉
酬

王拙存司馬居林下十年築石經書屋於潁川
今六十覽揆賦長律二首介之

梅巖將之官潛江學掾請假而來別余治城余
感其友誼拳拳因次途中見懷元韻二首贈行
叙園十首有序

送王雲舫茂才歸省環川卽和畱題讀我書齋

原韻二首

寄懷王曉屏司馬

兆俊

卽送其謁選入都仍用

前韻二首

秋齋夜坐四首

偶見書肆中新刻官韻賦多有沿襲 賜綺堂

少作不知何以流傳江漢之間書此二首解嘲

鐵城二首

賜綺堂集卷二十

吳苑 詹應甲 鱗飛

詩

亦松游

受書遇黃石採藥從赤松功名托神仙自始以至終重
矐不括目隆準乃鞠躬去留闕楚漢好女真英雄力矢
報韓心天亦牖其衷所志旣已畢進退仍從容奇計不
出此丞相何庸庸

雲夢游

漂母力拯之權后誓滅此先後兩婦人竟操其生死功

大豈容身知進不知止然而報德心千金一飯比何況
封三齊沛公果知已君背不可言臣心可自矢嗟哉雲
夢游國士長已矣

水寒傷馬骨

馬頭不生角馬草不裹尸千堆白骨肉已糜遑恤馬骨
成瘡痍天山莽莽西域西窟中難得淪漣漪冰寒不過
傷馬蹏水寒不惜傷馬皮傷不及骨馬可騎所嗟馬老
非黃驪有水不飲骨亦奇加之愛護悲且嘶傷心哉黃
沙白草長城下朔風倒捲死灰灑秦人有骨不如馬

梨花二首

倚徧東風碧玉欄舞衫歌扇影珊珊一簾好夢雲留住
萬斛新愁雪掃完隔院有人嫌月淡重門無路送春殘
花前子弟今頭白法曲飄零久不彈

荒涼池館夜迢迢錯認離亭柳絮飄帶雨枝頭詩比艷
堆花鋼面酒同澆摹成院本青鸞舞卸却宮粧白燕描
到底春心長鎖住枉教粉蝶隔牆招

盆花十首

白梅

移得園林雪一枝人天何處寄相思前身不合離香案
尺玉平量敢自持

紅梅

天然冷豔有濃香
屈伏何曾換肺腸
畫上屏風空着色
綈衣從此試紅粧

綠梅

么鳳枝頭萼尚稀
仙人游戲是耶非
量珠底事歸金谷
依舊當筵舞綠衣

蠟梅

磬口檀心結古懽
山人野服稱黃冠
虧他嚼出冰霜味
直到春寒過歲寒

牡丹

名花曾向洛陽開
移傍盆山巧剪裁
塵土滿身泉一勺
却從何處起樓臺

水仙

平生心跡託微波
香火因緣可奈何
塵海抽身還插脚
累他泉石亦消磨

山茶

老樹何曾肯作花
冬心獨抱斂風華
憑他點染蒼茫意
雪窖冰天見赤霞

海棠

不分屈鐵與垂絲
譜入羣芳佚杜詩
坐到夜深燒燭短

重簾低放護燕支

玉蘭

操筆何曾到木天
珊珊環佩夢飛仙
瑤臺群玉知多少
未必辛夷肯拍肩

草蘭

年來芳訊斷江洲
分得春叢一剪抽
莫笑湘臯香草賤
瓦盆還爲此花留

文信國古琴

半閒堂上蟋蟀鳴
趙家四壁皆秋聲
堂堂之身七條玉
人琴宛在公之靈
佳門千丈海濤立
獨抱孤桐語鳴咽

草奏舟中血淚枯絃詩燭下鬼神泣千秋正氣公手持
一曲變徵公心知公身不死宋尙在九年柴市琴不離
吁嗟乎狀元宰相尋常事沒世猶能重其器何只相攜
玉帶生早識文山絃外意

謝文節竹如意

桐死心不枯竹斷手能續姓名可易志不辱義士之心
比孤竹此竹分明截嶰谷許和文山琴一曲奈何不作
鳳凰鳴天意不如君所欲身長尺八任指揮上刻葵心
捧寒旭兩河破竹此竹完人意茫茫君意獨必逢賢相
手摩挲豈與俗流柄把握崖山壁立東南傾擊向西臺

聞慟哭千秋血淚灑冬青根節依然比綠玉噫謝生死
事計之熟先致忠魂聚骨肉憫忠古寺終其局當日橋
亭爰象六大節能全於願足此君有意從君卜

姪豹文省余治城喜賦三首

汝壯爲家督吾衰尙宦遊艱難思骨肉迢遞夢松楸竹
抱凌雲氣桑從未雨謀鹽官需次早胡不服先疇

姪楚游十

餘年將注籍鹽官余固止之

後死嗟余季家門力共支揚蕤扶棟莖茁秀見蓀枝

孫補

爲姪長兒年十四詩文斐然可觀

授硯吾當擇贏金爾莫辭此身勤愛

護姑孽慰親慈

求退終難退頻談向阿咸果能遂初服豈肯戀朝衫載
石許招隱入林知不凡江樓勞汝望何日卻歸帆姪載
石與
州草池館於漢江之上將以止余余題
其樓曰識帆蓋取天際識歸舟之意也

奉題芸臯觀察襄陽集八卷卽送其奉諱東歸

並世作者只數公見諸實政有異同維詩與政能相通
使君手筆真英雄僊班昔典蓬萊宮一麾峴首官隆中
來訪耆舊能虛衷春秋杜父聲隆隆後賢誰許追其蹤
傳家詩學南國風化民成俗言非空以之勗吏鳴和雍
洋洋八卷訇華鐘始由整肅歸從容意不在詩詩乃工
方公下車詢倥侗公蒞襄南
停舟枉過銅鞮尙舞花枝穠裏擅游

手刃光紅檀溪之淵激老龍

隄名

漢江之濱集哀鴻獄分

蛇豕非雞蟲民命病於醫者庸遑計興除心力窮維公

治行超黃龔大者遠者擇所從教養首先士與農翹材

試館經畬充高陽鑿池膏腴供官桑八百無曠功鄉學

八十先養蒙籌邊冒雪搜蠶叢探丸不敢窺垣墉一州

六縣人融融在昔嚴郡今華封吉陽山驛忻重逢咳唾

珠玉光熊熊長城許我偏師攻

丙戌春正觀察過應山繞道至縣署袖出一編

先受而讀之相與剪燭論詩停車兩日杜贈長律二章見第七卷

公爲齊晉我邶鄘詩

鐫萬口碑穹窿老莊山水局易終接梁倒掛人匆匆手

編治譜收詩筒不比往迹同飄蓬

帝嘉乃績乘花驄繡衣直指江流東履聲笠影尋坡翁
臯亭白鶴衣毵毵歸帆千里雪壓蓬慈雲渺隔山萬重
蒼生引領情難壅爲公看守棠陰濃富春江水春溶溶
爲霖潤物美且豐風霜高潔公之胸朝野想望公之躬
公宜愛護采非葑不見瀧岡表出歐文忠

王香雪明經

乃斌

以紅蝠山房詩鈔惠寄賦此

奉酬

王郎天壤名聞者耳先熟而我見其詩在昔已心折向
芸臯觀察處見其倡酬之作甚富今由觀察寄來始窺全豹
所恨嘗一嚮染指難捫
舌有鶴橫江來啣書爲我說紅蝠八卷詩八珍方丈列

知我嗜好專真味供饗餐錢唐萬弩潮駕此一枝筆醞
釀成天漿中有元氣結有時發清商齒牙嗽玉屑能以
九轉丹屈此尋丈鐵過承弗遐棄投瑞許相質余雖未
見君於詩徵其實千秋兩字爭立言在氣節懷哉祀帖
篇風人家法密編年首侍親至性載之出他年移作忠
許身比稷契舉以概其餘所傳信可必

劉謹齋 法言 以樂餘圖求題

宅心能有餘宅身無不足餘事味詩書餘年講樹蓄荒
莊栖餘梁隙地補餘屋門臨水一灣秋懷淡巾幅桐孫
與竹孫森森露頭角經畝乃逢年先時已三熟此樂非

強求無欲遂所欲擬之鹿門龐全家享清福

小舟阻風轉泊東溝竟夕不得寐二首

汭流紆折棹歌謠四望蒼涼月未升打槳暗投漁父網
卸帆紅指酒家燈煙沉木耳峯頭寺星漏松毛港口棚
一水三山猶阻隔長風破浪幾時曾

筆牀茶竈費安排蓬底人如井底埋立脚便須鰕縮項
側身差免燕投懷深愁匏葉終無濟淺到蘆花尙有涯
今夕船唇拚露坐一般清曠比天街

三郎曲

三郎何郎當三郎非郎當李氏六葉臨淄王唐家天子

稱爲郎郎君神武本天授劍掃諸韋登明堂貞觀開元
政具舉相臣姚宋握其綱六宮豈無真國色樓東十斛
珠平量筦樞妙有調元手能化禍水成僊漿豬龍不敢
作雲雨誰假兵符鎮朔方前車便遇螳臂拒李郭旗鼓
還相當常山平原赴徵調哥舒那得開闔降奈何以狸
爲相將者狼坐看狐鼠同披猖六軍不發弓反張宛轉
蛾眉瘞道傍三郎從此郎當甚唐書新舊書之詳咎在
用人非好色阿環此恨綿綿長嗚呼蜀山青青蜀江綠
猛雨盲風郎聽足西歸可許夢魂續勸郎莫按淋鈴曲
屏有千秋金鑑錄

烏啼曲四首

楚王江頭烏夜啼美人如花濺作泥八千子弟歸不得
帳底英雄空太息人生更莫歌烏烏頭未白骨已枯
木蘭之槳沙棠舟裁錦爲帆載月游檣烏啼罷秋風老
葉落吳宮有誰掃明年春水人浣紗烏喙來嘶洲上花
東望夏口西武昌臨江釀酒神飛揚三分誰肯一枝借
孤鶻聲寒弔秋夜不見春風銅雀樓烏自南飛何處投
南園草香蝴蝶飛金枝翠羽常相依老烏啄花不啄木
花奴持竿競相逐啾啞甚毋出惡聲喜鵲向人先報晴
客有以琵琶亭畫幀求題者書此荅之

不到潯陽已卅年畫中涼月隔江天才高司馬原非福
老嫁商人亦有緣官舫銀燈催曉夢荻花楓葉譜秋絃
白頭按曲尋常事難得衫痕溼酒邊

因樹爲樓落成

亭小花間起樓高樹杪懸月窺虛白室雲寫蔚藍天壁
立從無託巢居或有緣空桑非戀戀坐我飽風煙

金湖雜興二十首

水色山光共一船櫓枝搖破鏡中天尋常也見當頭月
不到湖心不肯圓

炊煙渺渺接平蕪三面山環一面湖誰向吳興摹粉本

江城寫入水邨圖

雙橋橫跨鏡當中倚到欄杆一角紅
要剪波光上團扇
放翁不盡畫中翁

涼篷雙槳溯中流檀板銀簫水上樓
寄語西風莫吹去
有人停泊小瀛洲

塔鈴聲響出林梢下有深潭語老蛟
與我狂歌相贈答
攜詩來借佛燈鈔

補網家家趁晚晴外湖水漲裏湖平
撈蝦捕蟹人如蟻
一半漁謳雜市聲

簫鼓西隣賽會忙天符廟對水仙王
靈祠新向東山築

四壁天花擁道場

柳絲風外酒旗飄湖上游人拍手招盼到今年花信早
踏青先上采芹橋

漁梁曲折繞花溪溪上人家水漫隄忽聽篷聲驚雨驟
釣船纔近釣樓低

雲車水馬駕飛艘一擲千金氣肯降不信靈均來喚渡
紙船催送汨羅江

龍頭鹿角許躋攀礪草巖花繡石斑東上朝墩西夕照
只分湖水不分山

廣寒宮合廣文居雙桂輪囷十丈餘修到前身金粟影

天香深處共攤書

謂蔡勉山劉
渤海兩學博

半是山田半水田
喜無旱潦卽康年
桔槔閒倚牆陰臥
拋却蠶絲種木棉

翹材館闢讀書堂
東壁星聯斗戴筐
要看文瀾千頃富

結樓樹杪納湖光

試館
落成

百里彈丸失要津
鴻溝劃斷水之濱
輸他川澤能稱富

一勺湖波尙乞鄰

漳源湖屬富川劃西北岸屬治
縣治濱湖飲興州之水故云

山花山果蒨封緘
水際菱蘆似草芟
夜販柴薪朝販米

湖帆數盡數江帆

馬帳生徒同納履
陳門子弟早傳經
兩家隔巷書聲起

不信肩輿戶外停

環縣治書聲澈戶外
余宵巡每喜聽之

青雲才藻各紛紛冰雪情懷獨數君爲語昌黎門下士

力遵古法馭今文

胡茂才子穀名致善者鮑公
所取士時以詩文就質於余

無雙聲價定黃驄不道還居第二流

余科試縣屬童生
以黃典章爲第一

今院試第二此外取列前茅僅得其半
尙遺却五名未售姑誌之爲他日之驗

小草至今刪一

半他年藥籠果誰收

六州聚鐵字難成歐冶空傳鑄劍名老我鋒芒都斂盡

看誰躍起化金精

迎春曲

五色紙餽老穀鯨龐然其身大其腹中納百穀孕百犢

村農先來驗頭角此間乞兒不作官

俗以乞兒飾作春官治縣無之

風偏要噓寒酸昨送秀才謁博士

前一女奉督學機行新生人學難得

東君真解事一官雖舊士尙新士首齊民得春氣勾芒
先我到郭門導以鼓樂侑以尊雪深三尺泥沒禪麥苗
青青同稻孫官着裘神戴帽休說相公多執拘一聲鑼
響吏徹筵交衢爆竹聲喧闌平生事事居牛後不遇鞭
春不着鞭

尺雪誌喜二首

入冬見三白農耕雪澤濡及茲更盈尺堆積平階除邦
人新試館爲我築樓居打頭雪滿屋操尺量有餘憑欄

貝希堂集
眺村郭失却魚鱗鋪萬山森玉立投我瑤瑤瑤園林頃
刻花點筆驚毛麤層波研光紙粉本空中摹聳肩呵凍
豪飛白奮疾書

山農與澤農麥稻各叅半稻輸田主租麥濟佃人爨雪
爲五穀精宜麥先滋灌得寸與得尺天工人力判老翁
爲我言尺雪乃僅見天果厚貧人富家吉無患年來表
雙岐此時分六瓣上瑞非侈陳下澤真普徧賓僚喜相
告山樓早張宴於以慰蒼生何須操白戰

封印

陽城書下考所握猶赤符居簡以行簡人地非相需主

敬當其可何敢忘須臾

余以亦可二字顏其居

巡鄉先策騎嚴於

公府趨聽訟早升堂快哉病牘蘇與民日相見民氣當
漸舒盼到歲行盡依樣官文書官雖不放衙吏肯長守
株賓館寂無人前後賦歸歟此時屑想者往往乘其虛
十目與十手凜凜防齋居況有飛檄來返命敢躊躇吏
老不如馬御者好問途群動少休息執卷圍寒爐紛紛
叩闔者大聲如索逋謂君鶴俸留度支囊有餘謂君魚
鑰閉消寒墨可濡錢債與文債交偪到歲除何如未封
印謝客姑徐徐

立春前一日園丁自鄂城冒雪肩唐花數種而

至中有牡丹先放因賦此詩

雪深三尺錦一堆三百里外先春來園丁知我太枯寂
朶雲移向山城開京師唐花早出窖臘鼓聲中萬花笑
衣緋衣紫近天邊屏角圍爐光四照無雙名譽人風塵
畫上燕支色不新冷眼相看曾識我熱腸敢說不因人
也曾平地樓臺起往事繁華都隔水尊前白髮按沉香
法曲飄零人散矣身辭錦幄到茅檐那得如來手自拈
三春風信全無夢依舊冰霜壓一眉花語主人殊昧昧
盆泥留得根株在勝他奴婢學夫人剪綵爲之空作態
不見石家金谷多春叢風沙棄擲成飄蓬人生富貴適

然耳土窖瑤臺易地同

歲除四首

叩闌人跡散閉閣我心閒天計終年聚人從隔宿還先
夕四勤守爐遲夜漏停燭候朝班翻憶巡鄉日渾忘
驗下鄉涉履艱

改歲先辭歲封符不換符憑誰澆利市有子畫葫蘆治

距省三百里友人各還家度歲幕事煨兒佐之帶草書新帖團花補舊圖白頭

偕老媪雙笑飲屠蘇

兒穉能攜杖次兒孫嬌慣繞牀遠孫方山城偏鼓角門

館正壺觴冰雪辛盤味雲煙甲帳香五窮何處送顛倒

笑韓郎

天竹原非竹山茶不是茶風前扶謝樹雪後護唐花
熱竈人爭媚殘碁我敢誇汝曹須努力從此守年華

文待詔畫桐江釣客圖

山蒼蒼水泱泱灘深七里蛟龍藏臺高百尺鸞鶴翔
畫者文待詔題者王太常槎枒老樹生古香窈窕深谷見
夕芳幘首細楷書數行想見落紙人軒昂當年客星炯
炯天中央二十八宿如螢光故人同榻亦偶耳太史占
之殊渺茫一竿從此投江鄉羊裘差免牛衣涼釣絲力
挽江流長嗚呼中興將相皆碌碌有手何曾捫帝腹不

抵先生雙白足

書青簾山人畫卷

昔見青簾畫未見青簾詩詩家與畫家想像能得之今
見青簾詩如見青簾畫畫禪出詩禪頓悟一何快乃知
詩畫理二者全其天落想在紙外筆墨皆後緣評書有
真意持論胡不然毋爲識者嗤贗本空留傳

題友人周蕸堂

維康

荷塘消暑圖

拈花手中荷絲穿粲花舌底荷珠濺主人心花開妙蓮
六根千葉同娟娟一塵不染清且漣是空是色想當然
采花人與花並肩冰綃霧縠驚鴻翩芝僊刻意施丹鉛

意在筆外香風傳此時主人觀自在棕鞋葛巾坐相對
夏畦夏屋笑紛紛誰問如來水精界相逢傾蓋廿年前
賞心先在畫圖外此身倘化鉢中蓮蓮亦願爲君所愛
平橋流水帶棲鴉柳梢捲起棚陰遮小亭一角度圖史
調冰但指船爲家移船相望碧雲裏鷗夢清涼總無比
幕府才名稱此花濂溪先澤傳君子許我論交共飲醇
按圖却喜從今始天光雲影鏡空明蓮葉東西仍尺咫
白頭終愧管花枯幸與幽蘭託知己他日從君乞鑑湖
添我烟波釣魴鯉

奉檄赴嘉魚會同文蕉農藝明府鞫獄信宿縣

齋旣竣事主人約余一覽石城赤壁之勝因勿

匆返轡弗及追陪歸途得詩二首馳寄

山城迢遞抵江干三宿浮圖始解鞍

自治邑至嘉魚三百里經武昌咸寧

蒲圻不內驛路皆借宿僧寮

潁叔才名唐進士文翁經術漢郎官案

非蟻圖籌空借堂有魚懸缺不彈聽徧仁風揚四境塗歌爭奉版輿權

放眼長江第一流拍肩也擬上僊舟英雄戰跡餘殘燒主客清談溯舊游越境偶同沙鳥集回車敢比雪鴻留吳蒙近已頌唐甚願築降城拜石頭

茗香自編雙桂堂詩六卷詞一卷賦一卷已印

行矣仍求勘正賦此六章却寄

子山詞賦早年成燭下重披老眼明翻怪傳鈔逾十載

洛陽紙價重蒲城

十年前著香補應入都集中舊作駢體

廷試從余計薦諸篇長安士大

夫傳鈔迨偏

天然才筆氣凌霞獨繭輸君五色花應笑河汾諸弟子

祇將奇字向人誇

努力人間第一流

覺叟贈昔香句

非關著作始千秋老夫結習

難拋去此事磨人到白頭

余先後集成二十八卷著香與及門諸子三次重編今始

告竣

歲時偏許杜生編

生倣嚴詩編入杜集之例卷中倡和舊作頗多

風雨飄搖轉

自憐一樣草堂傷弟妹累余淚滴浣花牋

生與余先後同抱鴝原之

四千里外從游遠二十年來集益多依舊科名困詔諫
唾壺擊碎漢東歌

我抱琵琶定看場尊前還按舊宮商及身點勘青藍集
新綠居然近老蒼

生先以新綠山房名集

王竹嶼觀察自河朔乞歸泊游鄂渚別逾三十
年不得一見瀕行馳書於余以所貌畫幀四幅
屬題賦此四章奉柬

江聲帆影閣

江湖不挾黃流走葉葉帆收上河口此時天際望歸舟
閣見主人便招手平生忠信涉波濤曾向滄溟策六鼇
草堂猿鶴舊相識爲君起舞江天高牙檣南下風光早
枕上江聲先聽飽六代名山百尺樓使君氣量同傾倒
船山當日寫此圖圖爲張松山
太史所繪酒酣潑墨雲模糊放開
眼界閤不孤知君宦成樂此歸來乎嗟余居無立錫地
卅年身世浮漚寄借君畫本託比鄰乞與帆風作歸計

來書相訂
買山結鄰

松楸丙舍

君家右軍書墓田王臨鍾本人爭傳昔人以書今以畫

蘭亭樟村蹟後先先公詩文重氣節立朝風采錚錚然

當年賤子拜牀下許以後進驂騑鞭

尊公少銀臺詩亭先生四十年前贈

詩有蓮幕文章推巨筆右園煙雨待絲轡之句

平山堂上再紉履年來宰木淩

風煙名公子拜觀察使買田陽羨官無錢秣陵老屋守

先澤誓墓近在龍江邊姚文梁書兩家筆正師正學人

心鐫

銀臺墓誌出自姚君姬傳山舟侍講所書其文於雙似齋集獨歸重正師一篇是不待千秋論定矣

余家先壟婆西郭未營丙舍心懸懸老友鐵夫爲作記

歸掃何日登江船見君此圖淚偷滴松楸夢繞三十年

白雲回望

白雲還山中山高水遠夢許通白雲渺天際天長地久

心空繫江南江北雲生處孝子思之淚如注不見鍾山
舊草廬白雲同伴青松住雲今化鶴松化龍隴岡阡表
歐文忠親舍子舍中隔雲幾重吁嗟乎君望雲雲望君
作爲霖雨早策勲出山心與雲俱白眼見卿雲縵五色

黃河歸權

東南水利掌上羅先治江海後治河

見所著浙西水利考與宋州從政錄

河水湯湯君力砥視民之溺總由已宋州治法本浙西
見諸寶政已如此朝騎五花驄夕拜八州督

天心倚公濟大川不信迴舟同轉轂歸裝只載書滿屋
河干父老吞聲哭謂君來遲去太速豈知君歸非戀東

山麓青溪夢到黃河曲班書卿注手重續中有疑義審
之熟編成坐看時賢讀河身與民俱受福畢竟蒼生向
君卜此時河流恬不驚好風吹舵涼月生照見臣心澈
底清擢歌許按吳歛聲

詩成尙未郵寄而竹嶼觀察江上傳牋繼至且
馳示見懷長律二章仍依韻奉酬

老嫗終慚舞柘枝敢將宦味判醇漓君如臯鶴雲中舉
我亦鄉鱸澤畔思立地無錐羞衲子束腰有帶陋鮮卑
茫茫前路桑榆晚還抱琵琶學說詩
吳儂謂言詞爲說
堂堂才筆本黃初偏許傳鈔到小胥
五年前在覺生宮尹京卿見倡和之

作曾錄
存之
作郡不曾離子舍
還山未免愛吾廬
書經再上
君恩重官到三遷
佛覺如此日
徵車當強起
江關莫更
賦閒居

附原作

婺源王鳳生竹嶼

天與先生筆一枝
珠光劍氣任淋漓
清文章漫說公餘

事江漢能留去後思

歷宰天門應城漢川漢陽所至有聲民懷其德咸立碑以誌之

介節斷難因世熱

君居官極持氣節故在楚三十年迄無所遇

高才端不

耻官卑及身已定千秋業
眼底風雲廿卷詩

卅載刑江識面初
天涯先後夢華胥
交從京洛悲前

轍

集中如蕭爰亭侍郎鮑覺生宮詹法時帆祭酒汪蕪林侍郎俞禮蘭明府皆與余有舊今歸道山矣

計拙襄陽返敝廬咫尺萍緣慳復爾迢遙梅信望何
如隨身賴有琳瑯集展卷篷窗慰索居

周介夫

鳴鸞

刺興州奉檄來至泊城會勘訟案

別已十年信宿山齋返旆後郵詩二首依韻奉

酬

翦燭深譚接席前君真健者我頽然獄詞能息鄒人閑
治譖爭誇杜父編斗大一州才是海筆搖五嶽氣如僊
家風南國棠陰徧何止詩名萬口傳

曾讀先公詩集

飲醇交到白頭新一笑掀髯各有因壤接化疆徧問夜
戴星而歸詩來寒谷正回春

郵牋於新春雪霽奉到

蒼茫鴻爪還留雪

諸談蛾眉已隔塵事也聞道雙旌當佐郡鹿門山色揖

嘉賓

聞有薦擢郡丞之信

附原作

長沙周鳴鸞介夫

低首宣城十載前鬚眉重見笑依然縱談往事傾三

雅

席間談及十

年前同斷獄飽讀新詩集意補太白天才少陵史

昌黎神健老坡僊家家團扇圖爭畫一瓣心香是處

傳

快雪時晴淑景新竹孫蘭子是前因樓高望海頭回

岸草綠升階脚有春老去壯心甘伏櫪夢中失路祇

生塵堪憐擊柝邠聞魯

興國興大治接壤

昨日尊前北海賓

王拙存司馬居林下十年築石經書屋於溪川
極園亭之勝今六十覽揆賦長律二首介之

封階疊晉荷 龍章鳩杖雙扶角亢舉案同徵長壽

考專城交頌古循良

前官秦中

蘭亭家讌逢三月石室經香

拜一堂

石經得自碑林蓋當日歸裝所載

儀鳳將雛齊綢采重周花甲

問春光

分得溪川綠一灣蓬瀛始信在人間羅胸邱壑雲林木

繞膝簪裾玉塵班

謂諸郎皆注籍朝紳

雅許詞章誇北阮

四方祝嘏之文

郵筒雲集就余所見吾門梅巖學博爲司馬令阮所作五言百韻詩居然青勝於藍矣

不攜絲竹

戀東山雙鳬願比銜籌鶴偷飲仙醪也駐顏

梅巖將之官潛江學掾請假而來別余泊城余

感其友誼拳拳因次途中見懷元韻二首贈行

盤輿迢遞歷山程友誼從來勝宦情怪我忘年同卓茂

喜君稽古到桓榮巾箱世學傳先澤場屋時文戒後生

一例種花須掃葉雨窗披揀話殘更

爲余襄校縣試童卷小住浹旬

鍾陵才筆鬱堅蒼况近寒河十畝莊澤國可能新士氣

儒官也要治行裝一流品藻歸仁智

中丞以仁者靜三句題試學博特賞

梅巖之文謂當爲講學家樹之鵠

兩廡生徒選秀良

聞負笈相從者甚衆人患其少梅巖

則忠其多當有以擇之

堪笑袖風無可贈衫痕還帶墨花香

以朝衫古

觀瞻之豈傳鉢之意耶一笑

附原作

孝感 王兆春 梅嚴

曉漏頻催客子程重來問字展離情湖山有約還相望桃李無言總向榮飲水尋源闕出處論文見道重師生一壺也感栽培厚敢說蹉跎歲月更

疊嶂層巒氣鬱蒼崎嶇歷盡卽康莊勞人己賦三年別旅店仍停一夕裝入耳塗歌慈父母關心縣譜古循良此來快坐春風裏班馬濃熏到辦香師外編又將刊行命與及門諸子同校訂

叙園十首 有序

拙存司馬構園亭於潁川之上名之曰叙園園

成之日余方在安州聞其一木一石皆手自經營會以書來訂余回車假榻其中惜匆匆未有以過也雲舫茂材爲司馬從孫館余治城家塾每談及園中勝概心嚮往之且言司馬之意必得余詩爲他日來游之券因用杜工部游何將軍山林韻賦此十章余雖未窺其園以得聞於雲舫者可當卧游爰叙始末於雲舫之歸錄藁一通奉寄

聞道環溪宅幽居近午橋園名自桃李

園各用桃李園序中叙天倫樂

事之意

市隱亦雲霄蘭雪歸裝拓經香出袖招

自秦巾載石經歸築

書屋以貯之傳聞秦中曾載石可比鬱林通
之意實基於此

圓樹真爲屋參天夏木清高軒新寓鶴幽谷舊遷鶯几
榻圍寒玉齋厨味太羹眼中皆老友掉臂許偕行
釣具平臺把棹囊小閣支竹陰斜倚壁荷氣暗通池寺
近鐘先度舟藏壑不知蕭然塵鞅遠漱雪一襟披

澗響能穿石籬疎不碍花藥欄馴雀鼠簾架走龍蛇元
白詩篇傲倪黃畫本賒叩關愁卜夜隔水認漁家
過孝昌不及叩關相訪猶夢寐系之

虹飲雙橋跨鷗盟一鏡開宅邊原種柳卷裡尙吟梅
子屬題
邱壑憑方寸雲煙任去來微書當再起招手

埽寒苔

野色鄰牆迥疏渠慣引泉情田占稻熟藝圃喜瓜絲蘭
紉攀衣佩榆收掛杖錢天然摩詰畫輞水在潁川
晚圖傳高節寒巖孕古香飽餐風味淡蒲酌露華涼屏
曲千叢綴亭陰萬斛藏此時張廣宴秋氣共青蒼

洞天拳石透曲折赴山池細草斜侵屨喬松倒接籬閑
籠調鶴子閉牖護魚兒翦得湖光淥呼僮打槳隨

曲榭還延月長廊漸拂雲一家同讀畫諸子況能文漠
水萍香聚秦闕樹色分初衣君早遂屏却繭絲紛

買山歸計晚罷釣笑詹何弱水蓬萊遠平泉木石多借

君花縣譜寫我草堂歌他日遊雲夢窺圖策蹇過

送王雲舫茂才歸省環川卽和留題讀我書齋

原韻二首

子舍歸心系漢東經旬小別笑言忽歲留紅藥翻階雨
帆轉黃梅拍櫂風蘭畹香清義獻敘竹林交契籍咸同
青箱家學無雙目豈獨驂騑冀北空

雞窗魚鑰屋如舟兩易星霜記詠游抱犢不會離硯席

延君課釋子煒書玩鷗那得上江樓一編風雨勞君訂

室近披牘之所外編什胥鈔字多魚豕賴君與半榻琴書爲我留才盡

愧無璫玖報和章草草寄南州

寄懷王曉屏司馬兆俊卽送其謁選入都仍用

前韻二首

荆璧隨珠出漢東十年江館別怱怱才名早壓楊盧駱

識君於十五年前
朋試輒傾儔輩

治譜新編雅頌風

前官閩中
有民譽

黃解官

階前路近青箱家學幾人同隴西舊有甘棠樹

導甫拙
存先生

此日濃陰藹碧空

澗川新綠上蘭舟家有園亭許泳游四壁鴻文探石室
雙橋鷗夢問湖樓關心碧樹春山遠插鬢黃花晚節留
他日宦成歸奉杖好憑畫錦記相州

秋齋夜坐四首

夜氣漸侵短榻秋聲先到小窗破竹詩成刻燭堆花酒
熟浮甌

過眼殘編新訂關心病牘重披衙鼓聲催落葉帷燈影
寫折枝

雪濺交梨秋白月移老樹冬青寒蟲響過驟雨濕螢光
漏疎星

涼話水天今夕新書笠澤何年
方編次秋
篷涼話老我秋絃彈
破與誰秋舫重聯

偶見書肆中新刻官韻賦多有沿襲 賜綺堂
少作不知何以流傳江漢之間書此二首解嘲

年來坊刻竟紛紛偷寫吳雲幻楚雲數典祇應宗屈宋
濃香休借馬班熏

少年才藻各飛揚廣體傳鈔 賜綺堂畢竟金鍼誰許

度漢東閔

新

與漢南黃

章廷賦受知

吾門自兩生先後以詩學使者輜軒所采而名

於時由是講求詞章者多不介至前余實無以益之也

鐵城二首

鑄錯不成字錚錚老此官山城無寸鐵漫比九州寬
守身如金城退藏本無闕惜哉百鍊鋼光與斗牛接

賜綺堂集卷二十一賦目

士伸知己賦

甲辰

石試

聖駕六旬江浙恭紀賦

御筆補竹鑪圖恭賦

快雪堂恭賦

文宗閣觀濤賦

四子講德賦

舉燭賦

范大夫移家船賦

春蠶作繭賦

輪攻墨守賦

丹鳥羞白鳥賦

春夜宴桃李園賦

海上移情賦

北風賦

初月賦

冬霧賦

榴花賦

鳳仙花賦

菊賦

簾影賦

桃花洞賦

鹿頭夕照賦

石林樵洞賦

賜綺堂集卷二十一

吳苑 詹應甲 鱗飛

賦

士伸知己賦

以君子和而不同爲韻

甲辰

昔宋臣蔡襄充太平之舉選當天聖而發聞身舉日月
遇感風雲因懷知於特達爰撫已而殷勤念真知之匪
易述自古之所云蟬聯作賦招悵成文以反乎遷舒之
悲士不遇乃引夫晏鮑之以人事君瞻思古賢渴得真
士振契相求苞符協揆蘭悅以同薏區其似或瑾瑜之
揚華或葑菲而呈美或連茹於拔茅或孤馨於奉芷或

困而升或過有喜皆至契之中乎非虛勤之可市鐘應
霜鳴圭從景徙有翔步於伸眉回屈身而揣指此在都
在野所以來子子之下旄而無欲無營因以重堂堂之
處子也然而臭芳別味靜躁殊科趨巧者騰達抱拙者
蹉跎虹玉隱於巉石驪珠隔以盤渦嶧桐孤挺豐劍雙
摩非承斧藻易遁蒐羅無言於堂下說長檠於巖阿
謂跼蹐而不敢嗟偃僂以如何撫絕絃而沉思扣長角
以高歌苟宮商弗應粉墨終訛未有不策鹽車於驥服
節芟駕而鸞和者矣是以士各量己伸將待知己當自
守知豈容私鶴鳴陰而有和鴻漸陸而爲儀霧難豹隱

雲必龍追竟遭逢於衡鑒遂辨白其妍媸破拘繫之成
格赴挺出之私期忽勾萌於瘠壤不寤束以常規快雄
圖之有日勿雌伏以後時助游鵠以噫氣動蟄虺以驚
雷慰其摧拙假以扶持入丹青而與若陳玉帛以珥而
夫惟道隆而隆時詘則詘蓋藏器以久需雖負材而罔
鬱幸白屋之單寒附青雲於翕歛既拔擢乎風塵必焯
焯於黼黻固精神之自致肯沉冥而告屈誠託契於堅
貞詎承恩於剪拂倘鑒衲之方圓敢躊躇而請乞惟行
已之無悔故卓然於始迄此則文由虎變非徒前矛之
慮無吉是驚鏘不在氏官之服不者也惟士也育膠庠

而陶冶拜廊廟之幘幘卽人文之蔚起識治術之敦崇
欽惟我國家至清懸鑒大道爲公收之科第深以磨
礪恢

皇圖於遐外廓

帝網於寰中萬流仰鏡一德趨風本無屈之可指更奚
伸於厥躬我

皇上恩澤德普廣厲加隆俾登墀而作賦得濡豪以自
通累拔殊材旣非前王之所嘗有親邀異數又豈昔士
之所能同也哉

聖駕六巡江浙恭紀賦

乾隆四十九年正月

皇帝詔舉南巡盛典順吏民請也先是

聖駕五幸江浙察民莫燭民隱恊氣旁達隆儀彪炳頌
聲洋溢八極休光翔於四境於今四年民靡日而不嚮
望六龍之再御也廼有二三耆老謁大吏而請曰嚮
者翠華臨發許我來期惠我瞻就吾儕小人願觀
穆穆之光久矣大吏入告

皇帝曰都於義其可廼察龍祥占太乙命天官練時日
駕未發乎

帝京歡已騰於南國緊惟東南曰古揚州星分婺女地
曜斗牛包吳歆越控荆引甌帶洪河之九曲匯清淮之
雙流東緣大海中納五湖衆流之隈萬壑所都華實之
毛則九州之上腴焉藪澤之富則天地之具區焉若其
佳麗之地曰有西泠錢唐宛者波注屹者峰矗旋環六
橋迤邐三竺鶴亭鶯館流丹結綠花舍 御墨之香鳥
和鈞天之樂其山則樹以金焦北固之巒帆翼以仙霞
懷玉之岵嶙峋以天台龍井之峴嶧表以靈巖鄧尉之
簪岑列真之宇曩哲之蹟厥有存焉若廼覽其郊野東
陌西阡塗泥則壤游喻成川國登再熟之稻鄉貢八蠶

之綿天喬繁植現瑤璘霏篠錫繁筭雪凌煙名標於
夏籙族敷於吳篇至於都邑之內則列隧無數開場非
一街衢洞達閭闔溢地則僥乎珠玉錦繡俗則尚乎
菽粟布帛士服鄉賢之文學農力先疇之稼穡婁般之
藝紛呈魚鹽之利駢集粲乎隱隱各職其業蓋我 國
家之所以休養生息者歷數百年而有如一日昔者夏
后會焉而萬國執玉大舜遊焉而二龍獻圖懿夫
聖祖仁皇帝之六巡於此也 膏澤沛乎閭閻 功德
侔乎天地至

世宗之世含淳飲和 仁浹義被洎夫我

皇德盛化美懷柔燕喜茲復鑒父老望 幸之誠揚和
鈴 親玉趾展義觀風定日同軌猗與茂哉皇皇焉臺
臺焉自古在昔莫比隆於此矣廼發上都廼經東國
臨閱河防告成懋績天吳効順以前驅奇伯鼓舞而揚
颶永夷聯眇陽侯碣磬莫震莫颯咸貼妥以奉 蹕過
齊魯以過發涉江淮而溯游波平揚子潮息瓜州黍稷
繡野桑麻蔭疇龍嶺曉霽虎山春幽含哺啜菽巷舞衢
謳咸拜手以稽首頌吾

皇之豫遊山吳達越繡壤邇密中臺安瀾 相度咸悉
飭簠簋與尊彝發金泥與玉字爍乎皇哉懿不勝紀遂

廼慶有功勵守土賚從臣逮負弩起放廢紆紉惠工
商暨斥鹵蠲租除賦民噢以咻載潛留運民驩以舞有
龐者老狹續以走有烝者士給札以授品物遂矣聲實
茂矣若夫順時講武務政於軍則有吳鉤曜日越棘羣
雲樓櫓激景芒橋切天中艘島峙旁艦霞騫礚礚礚礚
施施炎炎犒勤優賞羗以萬千於是

皇帝包乾符以出治絡地軸以抒想心周乎五風十雨
辭賅乎天三地兩宸翰一搗大文丕仰且夫德究其
至道宣其光唐虞之世煥乎其有文章懿哉四庫紉琳
縵琅抄謄誦習申命膠庠文宗文瀾炳炳烺烺於以

見聖教之光昌焉濯濯武功震彼荒遠朝鮮外藩東
土列服拜揚時覲忠貞世篤寵臣節以加禮奎天
章而錫福於以見懷柔之優渥焉於論鼓鐘於樂辟雍
閔四方之首善曠前古而加隆取象觀乎天地鴻規昉
乎鎬豐禮成翔制之大海流道德之充於以見化澤之
昭融焉崑崙之山星宿之海河流九曲疑義千載

帝廼簡使臣躡天窟竟萬里之真源闢千古之謬說

詩章昭於日星紀畧瞭如咫尺於以見睿裁之明決

焉皤皤庶老濟濟多士皓首窮經青雲奮志珊網宏開
桂香兮賜於以見作人之加意焉斯時也太和洋溢

祥光綢繡下舞上歌蹈德咏仁家裕衣食之本人敦禮
讓之心相與沐膏浴澤含和飲淳可不謂景運之
燦而風俗之成乎而

聖主猶昧旦丕顯久惕朝乾飛聰馳明兼聽并觀念茲
在茲撫茲兆庶入疆行慶載緝盛典隆王制也親

受方畧允清河海彰懋治也胥災肆赦咸與維新滂嘉
惠也樂潛旨酒天語諄諄勸有位也揚茲景號丕冒

無疆洵邁三皇而軼五帝也草莽小臣菲才寡識躬被

恩化其敢不殫竭愚誠敷陳盛美於萬一頌曰桓桓

吳會輯玉班瑞觀龍光兮軒文義圖合璧聯珠麗

堯章兮光熙

帝載兆民永賴懋何昌兮

聖恩洋洋渾中外兮

聖德巍巍式則大兮

天庥神貺禎祥萃兮 惠我人兮饒美懿大車書兮千

萬億

御筆補竹鑪圖恭賦以幀首頓選舊觀四字爲韻

皇上補造化而體元圖無逸以法健布時巡之澤於

春三陶幾暇之天於日萬輦六蚪兮星陳山九龍兮

黛獻追茅峯之勝賞瞻松菴之舊建煥文章於丹青

頒翰墨爲典憲蘭雪與春風並灑筆露共銀泉飛噴規

巖岫之疊層聚煙霞於尺寸洪鑪鑄物傾羣液以俱鎔

成竹在胸集古香而莫遁紛琅玕之繞幅繪山房而意

通蒨屋茅簷數花乳之盈籌寫茶鼎而器擬螭樽雌敦

展天邊之妙畫彩晃瑤函鎮佛子之名藍珍同寶笏旣

水媚兮山輝亦鸞翔兮鳳頓原夫高僧性海飛錫惠山

結茅庵而藤老繡石智而苔斑聽簣簣之戛擊濺雪浪
之潏潏將爲鑪於雲屋遂刻竹於煙褰湘枝親擘筠竿
手刪欲試龍團裊奇芬而不散巧編鳳尾織翠色以如
環畧同茶臼之敲聲傳籬外雅合風簾之煮香散林間
踵品泉之韻事來戰茗之仙班有王紱之墨妙記上人
之幽閒爲摹華嶺之容烟霏飄緲似寫朝川之勝花木
斑斕迨閱歷者旣多幾類平津劍失經訪求而再出依
然合浦珠還題咏盈函縹緗錯繡有負之而趨乃得之
所售顧舍人終歸孟端之圖宋中丞常付僧人之守合
數百餘年之舊迹以傳集六十七人之佳名於右間一

卷之或遺繼補圖而亦就乃當成毀之有時欲尋踪跡而莫覩 禁籙春開封章晨奏

帝廼量山淵度宇宙四家受裁萬物在罔繪泉有聲畫石皆皴祇花冑垣貝葉依甃著古柏之連蜷點寒梅而疎瘦客話薜於雨餘僧聽松於日晝具尺幅之光芒運寸心之結構 御墨一揮名筆皆副宜乎寫真機於初地韶景常新藏寶繪於招提錦暉依舊也爰是玉躡旋完繡襦彌燦炳曜日星昭回雲漢器勝衢樽之和甘事邁卷阿之泮奭絡地軸而羅奇瑰 天章而爲冠 一人濡筆而淋漓百爾披圖而拜玩仰無外之規模申莫

窮之頌讚錦囊乍啓儼藻繡之如春玉檢重題洵光華
之復旦開縑而嵐翠空濛拂素而茶煙糺縵竹標清節
經點染以逾蒼鑪轉鴻鈞沐甄陶而益煥從此金泥銀
管相輝乎一十六本之瞿曇欣看璧耀奎躔恭紀夫四
十五年之宸翰豈徒補珍蹟於名菴垂盛事於禪觀
哉

快雪堂恭賦以快雪時晴佳想安善爲韻

皇上治高虞琴道崇義卦羅字學之萬殊漚文海之百
派傑構輝其璧璫寶書漱乎沆瀣五元精而神凝縱鉅
覽而目快物則聚乎琳琅之林地則近乎蓬瀛之界
燦奎壁於秘簡瑤函石函華日星於鴻章金薤玉蕤爾
乃古色耀箋奇彩煥碣翥鳳翔鸞鉤銀畫鐵墨香揭而
凝煙紙光融而皎雪上溯右軍之超羣下逮吳興之繼
轍煥乎百代之英燦然各家之別焜文苑而有光完鴻
寶而無缺冠以二十七字字風發兮韻流超乎三十六
體體波詭而雲譎於是啟崇構度宏規承以松棟繚以

瑤栢亘以碩礪障以罍恩上朗朗其曦燭旁亭亭而霞
披仍快雪之舊名貯瓊笈而寶之翩翩飛於鸛鶴紛糾
纏於蛟螭蹟姬蒐岐之鼓格類封衡之碑竝八柱而入
妙配 三希而見奇維翰墨之珍俱發鴻文於 清時
物動 天鑒喜洽 睿情歌屢豐今誌慶兆六出兮順
成歛真機而內蘊表瑞藻而外呈珠璣晃彩瓊瑤散精
祥生寰中墨海之雲飛雨境疑天上 銀闕之光帶晴
聚圖書之炳煜接 禁籙以清佳 記龍翔而弁石額
虬蟠而篆牌懸 乙覽之精明輝永鏡卑西山之富近
繞玉階繁稱名之非小見眾義之允諧象

帝澤之涵滋風呂雲律仰

皇心之粹白堯襟舜懷外敞逾宏中虛得廣疊綺爲楣
泥銀作榜每駐華旂時邀仙仗欽聖製之日新燭
奎光而羣仰包乾符而抽毫緒地軸而杼想盈尺誌喜
心周乎風五雨十飛霽知時辭賅乎天三地兩則斯堂
也匪僅木天之書富匪僅石渠之地寬匪僅白虎觀中
牙籤架聚匪僅天祿閣上青藜火寒通瑣闥而門闕帶
金釭而憲安猗幾暇之典學樂書林之大觀謹爲頌
曰維

帝攄文匹謨典兮寵從者堂懸禁扁兮麝烟響榻分雪

蘭兮綺槐交錯藏瓊璫兮
憇憇乎四安之隨安萬善
之樂善兮

文宗閣觀濤賦以題爲韻

浮玉之山峯乎岬嶠結地之肺通江之尻颺輪雲車則
佛仙之散曹焉瓊觀珠閣則川嶽之神臯焉聳傑閣以
孤蠶皮瑯函而秘韜橐金牕兮綺疏森錦躩與繡綰捧
以翔稜之鳳承以冠山之鰲勢凌虛而特起狀將集而
又翔應奎璧而亘燭窺牛斗而爭高其下俛則江水全
涌天風怒號鴻淋淋兮紛總總兮如白馬之擁素翻礪
礪礪兮割剝剝兮如青鼉之震靈鼗緊斯雄構滙文海
之萬派宜縱觀乎巨濤恭惟

皇帝湛恩雲彌盛教風從職斯四庫鉅典是庸珠題

玉藉珎檢璠封星爛日暉湖函海容 錫天南而雲賁

榮東壁之霞重建重閣之雄麗 寵嘉名曰文宗蓋爭

峙乎文淵文淵之名分勝乎 文淵 文源 文津

文溯之號而襄鼓鐘 文治於辟雍其爲傑也其爲壯

也宜其爲巨觀也則將探六經之原委跨諸史之波瀾

溯百家之汗爛傾羣言之瀾漫或沼其流而源討或汲

其深而綆寒渾灝則涵周浴漢迴浹則歎蘇薄韓惟文

濤之萬丈瀉宿海之飛湍固已澡雪萬古之耳目灑練

百氏之胸肝極大觀而無憾而非夫津逮之室宛委之

穴可匹茲載籍極博中之一端矧閣之中則文之爲濤

沐日浴月淳溶森漠若是其磅礴也閣之外則江之爲
濤吞洲噉雲澌濩滅漶又若是其砰作也爾其近睇夫
朝煙夕陽則有石簾之砢礪也遙矚夫炊火茆檐則有
鐵甕之城郭也而觀濤之勝尤擅美於斯閣也其始至
也似神非神乍煙乍霧邈乎鵬鵠之翔翥其少進也邈
則爭趨住不得住飄乎帷蓋之飛度旣而卹然以駭撥
爾而怒蹴踏鼉鼉照耀蟾蜍偉於牧乘之發卑哉盧肇
之賦觀濤者於此莫不忻於所遇矣溯岷山之導江走
千萬里而無垠猶夫文思之被乎邈聽遐聞猗合漢
而通淮紛映帶乎洲瀆猶夫文德之滙乎派別支分

赫壯濤之歎涌長委輸而漭漭猶夫 文化之霑濡乎
鼓篋之侶擊壤之羣小臣慶寶書之觀海瞻傑構之凌
雲敢拜手稽首頌

天子之大文

四子講德賦以題爲韻

王子淵逸想俊才博聞強識頌甘泉而得名賦洞簫而
作諡客蜀刺史志抱揄揚爲漢大夫職司諫議碧雞金
馬未銜使命之榮神雀珍麟先表天人之瑞抒下情而
諷諭通宣上德而忠孝備此中和詩布工歌鹿鳴兮至
三而講德論成人樂鴻鈞於再四則有微斯文學問於
虛儀夫子願索友於西州遂求賢於蜀市遇浮游之先
生與陳邱之處士欽輓聽曲古大隱之風有焉前席陳
辭士相見之禮修矣遂乃咏嘆鴻猷敷陳上理繪日殷
勤談天尺咫各津津而味多舉欣欣然色喜雅頌之亞

則郊廟載其恩論說之長則草野揚其美京兆扶風馮
颺化起始基高惠文景武昭功由積累懿夫炎漢之德
之隆也舉孝以篤行則士服詩書去煩而蠲苛則農安
耕耨大臣輔治書奏阜囊術吏宣風威行赤棒相有業
而閑置鵠民不寃而辭投鉅徵朝絕域貢天馬兮得蒲
梢選俊若阿剖珍珠兮出靈蚌諫諍納而朝廷有沃心
隱淪起而山林無槁項天垂甘露奏甘液於上林田獲
嘉禾臚歡聲於村港凡茲異瑞之畢臻胥待閎儒之論
講以爲鴻運昌而福應來閎澤多而思慕亟龍在天而
雲斯從聖在朝而賢斯得良由君子盈廷蓋臣宣力千

金之裘非一腋之所成大厦之材非一邱之所植馴至
簡易寬柔闕深淵默瑞動天符休徵皇極山川耀輝神
元拱翊鳳皇來儀邕邕翼翼汪濊乎仁義之淵翔洽乎
聖神之域龐眉之老扶杖而來觀鼓腹之氓耕田而順
則故自刺史之來也宣布詔書勞來不怠令百姓徧曉
聖德也蓋子淵心佩融風筆垂飛露設四子問答以爲
辭假三詩咏歌以據素論則文章報國直追四始以蜚
聲講則言語專家願韻四科而翔步遂受孝宣帝之知
終符得賢臣之遇方今

聖天子醲化風翔 湛恩雲布星陳復旦協氣應於璣

囊玉刻仲春甘雨隨乎 鑿略普天臚祝頌 壽考之

作人率土歸琛樂太平而景附大矣哉

帝德難名又何炎劉故事之足賦哉

舉燭賦以郢書燕說通平川賢爲韻

蓋聞機莫妙於寓言心莫神於善領緒以蘊而逾彰悟以通而益警惟楚人之過書發燕相之深省喻微詞於意表說豈尙夫隱幽露腹語於毫端義則取乎烺炳闢舉賢之妙旨子本推韓傳寶善之餘風客還稱郢當其桂燈初施蘭訊猶虛魚鱗素疊鶴焰風疎將含意而欲申辭難投暗任揮毫而待試膏已焚餘繼燭方呼覺應聲之如響臨池自得卒辨影之如初其殆有旁通遠觸信筆疾書者乎修詞旣畢授介而前彼則誤出偶爾此卽見爲恍然以心印心知靈光之不昧卽我勘我在靜

照之無偏蓋燭之爲喻及於賢進賢所以輔治抑舉之爲言等於用能用所以持權此其書傳自郢而意闢於燕人亦有言相乃大悅由燭照之周知慎衡持而鑒別光以顯著處之者豈其守默而守元悟以虛生養之者安必若愚而若拙冀北之羣空矣重看臺築黃金南人之言善夫何止歌傳白雪蓋郢則出之無意未嘗隱躍其辭而燕則遇以誠心初非附會之說也是知知人則哲用賢在公察百官於百度達四目與四聰抱若月之朗懷燃犀何待布如春之煖氣燭火難同當索筆以臨書尙有期於照灼苟當幾而秉政豈不藉乎昭融信無

微之不顯遂有感以斯通燕人於是禮賢下士登俊黜
愚樹人人悅鑑物物娛易水澄輝朗映席珍之玉薊邱
煥彩華生照乘之珠分來君子之光蘭膏雙炬旁列相
城之火鳳蠟千株灼萬類而荷鈞陶妙而通也察羣倫
而歸藻鑑富哉言乎然而因物何心含毫偶縱不謂誤
筆之成竟作得賢之頌事在顯而不在隱兩字堪師詞
貴要而不貴繁片言足重鴻開珊網擇豈類於芻蕘照
徹珠繩光無私於菲葑遺來手翰相喻於不言之言悟
出心葩乃知有無用之用欽惟我

皇上言超謨典德合坤乾光被上下化暢垓埏庭燎晨

輝珥筆來玉堂之彥院鈴夜靜挑燈聚鸞掖之仙彰職
守於銓衡人懷永鏡 錫恩榮於供奉炬照金蓮仰所
旌之惟善頌所寶之惟賢

范大夫移家船賦以題爲韻

嘗放舟於五湖之具區抗懷乎三高之遺範有會稽之
大夫焉霸業旣成宦情頓減乃蕩木蘭之橈遂架沙棠
之艚問釣徒之故智沼已吞吳尋仙客之遺蹤湖猶名
范當其天與越成師連吳會敵患方摧臣功莫大將同
樂之可期詎逃名而無奈乃遊心於遠復遠之鄉置身
於材不材之外豈其辭榮衣錦跡洞漁樵遂爾抗志投
簪心空冠蓋江山故國煙雨平湖青簾白舫秋草春蕪
招美人兮長往適樂土兮與俱豈鑄金之故我笑戀棧
之非夫雜佩瓊璫竟結臨波之伴輕簑小笠宛成釣水

之圖依稀白苧歌殘月浸三篙碧水倏忽錦帆夢隔鳥
啼十幅青蒲於是浮蘭葉唱竹枝望天末嘯川湄狎魚
蝦而侶結盟鷗鷺而情移抽帆鼓急挂樂燈遲路淼淼
以阻修遂去不反舟搖搖以輕颺聽其所之此則夢遠
吳頭貰酒問漁兄漁弟居鄰蠡口炊煙聲細師罟師者
也蓬低落葉艇小浮瓜客揮短塵人浣輕紗亦寄情於
山水等寓意於煙霞放鴨欄空極目花殘潮落垂虹亭
遠回頭雨細風斜移來橘柚村中連櫓爲屋重到葦蘿
溪上臨水誰家因思往昔爲感當年何見幾之若此遂
遠逝之翩然望吳宮兮疑夢渺越水兮如煙坐兩頭兮

簫管泛萬頃兮蒲蓮冒洞庭之樹柳鳴笙澤之船今
則漁艦依然漁師非故往跡已遙佳名猶溯駕餘艫於
水面誰張犀甲軍容載笭簪於船唇試認鴟夷家具照
柁樓之新月晚飯移燈卸帆葉於疎風暮歸喧渡角山
祠外四舫相聯消夏灣頭六桅同住欲向吳儂談舊同
聽撥棹之歌還招越客歸來相與扣舷而賦

春蠶作繭賦以題爲韻

王政首農桑之務江鄉多蠶織之民煥文章於五位遍
衣被於八垠懿生成之物產極造化之經綸鳩羽飛時
月令紀條桑之候馬頭賽後人家卜分繭之辰經二十
七日以俱齊眠還待起合百二十枚而爲族養更宜馴
吐繡口於青繭佇看房星照夜抽文心於黃絹何如綵
筆生春當夫村宵燈聚巷午風酣蘆葦幕桂斧筠籃
筐遲柳下梯卧花南影蠕蠕而欲動緒乙乙以如探旣
精華之外著亦章美之內含辨燥濕於晴陰繅之日七
伺煥寒於晝夜浣以盆三此則棟雨榆煙未煮山家之

繭茶天麥候先宜村市之蠶也於時璘藉縱橫踏踟交
錯始稀微以冒梭終宛轉而盈幙每由棼以漸整亦乍
前而忽却一爲經二爲緯洵黼黻之用彰方如矩圓如
規竟纏綿之何托絲絲入扣辨工拙於上山下山縷縷
微銜課逸勞於登箔收箔織到七襄之錦星女何勞裁
來五色之雲天章可作思若斷而終連緒乍舒而猶卷
羌春影之婆娑杳春心之輾轉一匳燈火羅絡架以分
明滿院桑陰理纒盆而細選藏身斯固匪文繡之自矜
有物混成終綢繆而盡善時見襄成鳳字依然瑞啟水
蠶倘以織就龍綃何止先生雪繭是其有蘊畢宜無華

不露類感物以肖形豈屈身而規步染成五采雖有待
於彰施製出千縑允無嫌於朴素方今

聖天子被德如春垂裳式度貢九州之筐篚功首蠶桑
會萬國之衣冠時乘 鑿輅花濃江國家家挾纊行歌
絲熟湖鄉處處懿筐載路將見桑猗五畝咏爲裳於幽
雅之詩豈徒地貢八綿侈獻繭於吳都之賦

輪攻墨守賦以墨者之言近於縱橫爲韻

伊在昔之巧人至公輪而已極抗千古而無儔偏兩賢
之相逼方受命於楚王乃致兵於宋國非同乘墮相見
七日餘糧直令望氣而驚一軍皆墨有宋人焉則墨子
也迴中道而急不俟車趨百里而疾如奔馬告爾緩師
之詞保此賓王之社言者徙勞問者自若所爲聽客願
相逐以周旋莫謂無人請各從其取捨於是守之有餘
攻之不下我則使然公何爲者夫其攻也變而益幻出
而愈奇穿隧橫行欲深入而鬪穴中之鼠梯雲直上將
先登而揮城畔之旗比木人而更多機事較刻鵠而尤

其靈思何以巧不能逞技不能持蓋因九爲施而九爲應也是以一能亡而一能存之且其守也無瑕隙之可入斯堅固而不奔處逸待勞任久淹於睢陽之境隨機應變終無傷於垓澤之門誰更執茲鞭弭幾令垂爾弓韃旣窮之於術乃動之以言開游說之流風申兼愛之餘蘊其諷公輸也舉衆寡之說以數萬生靈之命動其仁慈其對楚王也矜戰守之資以三百弟子之能張其義憤遂令將不敢驕兵不能忿抱解紛排難之心具合縱連橫之吻此不僅孫吳之所同亦相與蘇張而爲近彼夫黃歇喻秦兩虎之鬥顏率止齊九鼎之須毛遂以

激言怒魏文種以卑辭秦異皆承習於一家之說而揣
摩乎分出之途茲乃口不談兵偏自工於捭闔人非川
武翻能熟乎陰符傲善談之鄒子笑隱語之淳于是以
人工其技我當其衝願効心機之門寧辭足繭之重旣
生輪又生墨豈獨行而無對彼能攻此能守偏勁敵之
相逢特以力爭器惟有備兼茲舌戰語妙能縱乃知特
巧而入乎機必窮於有敵用智而行其術或化於無爭
輪則師出無名雖百技莫破商邱之甲墨則理直爲壯
故一言頓迴漢水之兵遂起策士之藉藉紛紛如爲之
前導倘非儒家之堂堂正正應讓彼專橫

丹鳥蓋白鳥賦以丹良不食蚊蚋爲韻

憑古籍以遐考按時令而靜觀動物可驗清風乍寒鳥
養羞而有備鷹學祭而高搏雖極乎物之細必究其事
之端有如振翼以飛可蟲可鳥望形而辨或白或丹原
夫丹鳥者飛於陰雨之夜集於腐草之塘感盛夏以資
生映赤旗而同色入深宵兮懸照分心宿之餘光至夫
白鳥者多生草際每在水鄉母本能飛或從禽而傾吐
于還可結亦棲樹以深藏其色多白而可辨其翼如鳥
兮斯張踰垣羨舍人之隱謎開幃見桓公之慈良本同
類之么麼何并吞而抑詘豈丹原如火乘炎遂以生威

白本爲金論色因而相屈各畏其天可觀於物信斯語之誠然猶此意而豈不迫夫秋氣已深夏蟲將匿池塘星影隨大火以俱流屋角雷聲共奔霆而並息旣生旣滅未免有情何去何來終歸無極此化者相仍於化而食者轉爲不食也惟古人之奇特察庶物之紛紜謂食爲羞此偏作反言之筆凡翼名鳥乃益徵簡質之文後世增華於踵事聚類而分羣旣別爲螢者又指爲蚊此則腹載其光彼亦口含其銳羣飛若具資糧弱肉不殊甘脆族非鷺鳥偏同鷹隼之貪殘食戒生蟲似感鳳凰之仁惠豈其身將羽化如辟舊穀以登仙或者光待囊

盛欲飽殘書而生慧奇文可愛何妨語及堅永巧筆能
雕且不遺夫微螭

春夜宴桃李園賦以陽春煙景大塊文章爲韻

李供奉才高天寶賦罷沉香倦息長安之鴛諧起清平
之章乃遄歸隴右高卧蜀岡結廬錦江之山築園匡山
之陽人端居而多暇花不言而自芳夜復夜兮春光媚
樂莫樂兮宵宴長於時羣蘭侍盞僕御捧巾筠箋洒玉
絳蠟燒銀欹紅蓓以張幔藉綠苔而結茵樂哉昆季忘
乎主賓得句便饒一斗對影何止三人有花都照夜無
筆不生春綠雲千樹紅雨一筵剪香痕兮風亂濯湘枝
兮露妍桃衣緋而綺合李霏瓊以芊綿蔭春池之碧草
伴上座之青蓮招竹林佳客會瑤臺謫仙今夕何夕長

篇短篇花濛濛兮如霧月淡淡兮生烟旣而雙荷通燃
九枝繼秉洗盞更酌投壺戒請清陰上牆濃華泣井茶
香酒香人影燭影笑玉山之將頽指永輪之驟騁乃慚
大謝之歌共賦小園之景於是授札爭先論詩誰最含
豪雲樹之間得意屏山之外是酒狂而作詩狂洵天籟
而非人籟踵竹溪之勝遊興蘭亭之高會句足以傳圖
不必繪遲賡者催以鉢急不成者罰以斗大賦旣成夜
未艾素琴互張青樽遙對李生乃感芳菲之易零慮韶
光之難再抱奇才以終古撫良辰而寄慨高譔且飛起
舞花碎用是揮椽筆以寫雅懷酌醇醪而破愁塊也落

英如雪撥墨成雲螺香潮泛鳴篆風薰桃之夭李之
郁春旣闌今夜旣分飲無不醉思必超羣真冶遊之最
勝何浮生之足云一家詩酒千古人文未幾而玉缸冰
冷銅壺漏央羣季醉止起坐徬徨歌曰星斗闌今月東
方懷佳人兮惜流光流光九十夜夜夜春風香春風但
得常如此啼鶯曲曲吹笙簧浣花花間招子美鑑湖湖
上覓知章明年桃李嬌春夜重整瓊筵飛羽觴

海上移情賦

海之山兮何蒼蒼海之風兮何浪浪海之波兮灝灝海
之樹兮茫茫睨而望之元氣亘乎上下徐而聽之清聲
發乎中央跣其聲也若遠若近忽抑忽揚旣一彈而再
擊亦鼓宮而應商海人曰此成連子之琴也每當天空
日晶其聲卽出而與山俱高與水俱長水仙操耶竹枝
調耶豈張樂於洞庭之野抑鼓瑟於湘江之棹耶雲青
靑兮龍吟月冥冥兮鶴嘯耶否則霓裳部頭羽衣仙客
彈絲吹竹於蓬瀛之嶠耶何其聲之泠然善也而終莫
窮其妙也耶知音者曰先生其移我情乎夫情曠則神

遠情幽則志清鰲峯咫尺情與之往鯨濤日夜情與之
迎幻非想以入想超有聲如無聲一鼓而海雲爲之立
再鼓而海水與之平馮夷貼伏鮫人不驚此固伯牙遇
之而手斂子期聆之而心傾者也忽聞天籟恍瀉風泉
片蓬漏月一葉乘煙舟搖搖以輕颺人飄飄而欲仙得
意在五絃之外會心於十指之先翩翩爲兮卒至此愕
不知其所以然欲寫之而無桐可寄將扣焉而乏石與
傳於時海色迷茫海聲清譙海潮蒼涼海汀葱蒨仙響
遙傳凡音倏變我靈山之飄渺兮譜冰絃而通援也偉
蛟龍之起聽兮訝天風之忽颺也招扁舟而載予玉瑤

兮蕩心神而何戀也將尋聲於海之上兮則已曲終而
人不見也

北風賦

燕昭王遊於黃金臺之上郭隗侍側有風駢然自朔而
鳴汗汗莫莫凜凜砢訇襟帶萃蔡衣排戶薄榮屋簷僚
兮心悲左右屏營王曰壯哉此北風也其始安生乎請
爲寡人具道其情隗對曰唯唯臣聞風者天地之使養
物成功若夫涸陰初蟄坎燥終窮鹵莽匝地蔓藟障空
於時震地脫木擗邑乘墉起乎北紘將翱翔乎廣漠之
野跳踯乎軫轡之中故其風中人狀直谿呀雪豁鏗迎
霜割惻惻礪嘈悽慄膚毛怙怠悚息祛蘊蕩囂王曰然
則風之力大矣可常得而有之乎隗對曰是風也戢乎

三時發不崇朝所以威萬物而用之也故其將起也愿

愿乎變黼而幕日氣布濩其若屯疾則扶搖頽則焚輪

爾雅曰焚輪謂之穴很山宜都很山縣門九真九真郡

鵲巢枝淮南子鳥鵲巢枝歲之多鵲鳴塵則載鳴為記

鳴則山獬山海經法獄山獸名折丹跋折丹神人處

風生山獬山獬見則天下大風折丹跋折丹神人處

風及其方盛也狎獵呌呌嚙嚙嘉沕彭闕乎礧礧天礧

坑掘猛氏懾飛生青骹為之翻摯紫燕為之蹄輕溲解

水沸波瑩敦小虧成簌林茈倏參差颺罍龍鱗軼車跡

滅犍舟檣驚馬衍神於是乎歎沫蛩蛩北方駢瞿而攪

人翔輕則飄蓬靡拉輓重則金鑿鏐鍾或越津亭誼譁

槍懷或渡河濱澆潏鏗轟都盧熊經而失其捷中黃魚
瞰而喪其精爾乃怵兮怀渾拂汨霍繹泣嫠婦之襜帷
怒潛虬乎藪澤遊子聽而停轅叫窮邊乎戍卒號哀猿
之長夜慘形容於逋客羣籟一聲天地同色立而望之
矗見山樓粉堞於雲中而與墟落正榛乍出乍沒渺然
改易如睇三山於滄海目眴眴而不可卽側耳而聽之
如豐隆列缺殷崖轆轤而馳笑又似庵庵焉汨汨焉千
乘萬騎龍蜿蜒虎伏卒然起乎肘腋雖猛競超距而不及
枝格乃其風収歛霽砒然陽開中宸天地交清激蟻蝶
會之處氣消埃重光麗照熙於春臺是以廣莫應而誅有罪不

周至而備邊庭秋官則次五軍禮僅居一蓋不得已也
而寓捐殺乎元冥王者象之爲兵爲刑王曰善哉乎子
大夫之言寡人試一用之於是嚴憲令肅常經修百職
答三靈輿情震懾旣清旣寧廼相與饗佯下臺尙德延
士君臣歡康風亦旋止

初月賦

含華伊始越朔維三破渾魄於昏暮耀纖光於西南夕
照翳其欲入星輝淡兮相參鉤已垂於廣幙鏡未交乎
圓函清蘭路而氣薄孕桂輪而影單於時涼生玉階暑
淨珠箔繞樹驚鴻駕橋填鵲映花榭之右偏滉水樓之
半角莫不夢弓影於關山洗眉痕於江閣乃有臨風逸
客逝水華年從新感舊由虛得全知旣滿而隨缺寧逾
期以待圓卽暫見於西瀕勝初昇於曙天謂日夜之良
分花月春月之吐兮無纖塵盼到團圓兮又一旬難得
新輝兮照故人

冬霧賦

水氣溶溶溢於孟冬未寒而栗爲霧之濛濛漫漫而日
隱晝迢迢而煙籠黯然魂消而不雨塤然塵起而匪風
若乃征人三蜀遷客五溪驅車坂折策馬冰澌途窮觸
石裝重膠衣聽鈴聲之遠近失樹影之東西及夫書生
甕牖貧士蘿牕披氈待旦執卷迎光身非病而痒痒口
未老而茫茫至如田父索綯村姬操織塲圃沾泥機杼
生澤蘇漬草以供炊聚濃露兮漫室庭無曝背之暄屋
有點頭之漉鬱寒氣而不消歛愁思之如積又或東溟
海舶西楚江舟山椒莫辨水埠難投乞神燈於窮島戒

暴客於荒洲獨不見夫山南高士谷口嘯人姿如隱豹
跡比潛鱗嘯煙霞而養晦傲霜雪以全真於焉目睹乎
沈迷之外而心遊乎晃朗之垠

榴花賦代

亭陰銜照欄影飛花向陽池館停午窗紗積五日之梅
雨開一天之榴霞爾廼穠華金剪跼萼珠鑲珊瑚網樹
琥珀裘裳雲蒸如海星聚於房映芙蓉兮帳絳留燕子
兮裙細晚晴深院曉色層臺幾枝小暑一樹輕雷淡荷
塘之爽氣颭槐幕之芳埃煙忽散而霧合日未上而雨
來簾紅半捲窗綠全開乃有華燭遲燒緋衣停舞招悵
華筵闌珊朱戶谷春色之旣零盼秋芳而莫睹莫不占
嘉植於名園數繁英之盈圃裁落霞於水綃縮飛虹於
金縷月令正中露華凝午歌曰卿雲縵兮旦復旦南風

薰花花爛漫花枝搖搖映畫樓薰風日日上枝頭枝頭
紅處多著子駐君顏色常如此

鳳仙花賦

月山之靈長離之精分其儀采揚此華英翩如羽衣來
跨翹然翠尾高擎仙之人兮拾瑤草鳳之子兮集金莖
試比狀於嘉卉何兼收而並美披紫庭之葳蕤剖丹穴
之蓓蕾分短距與高冠均鏤金而錯綵譜則有海菊之
奇名或因宮花而改宋宮諱鳳字爾乃陽極初展纖喙
呼爲女兒花方舒小能啣粟低不棲梧將分種於莖萼先辨色於根
株及夫梅黃雨潤麥穗風薰含苞吐錦摘藻成文葩狎
獵兮鱗接榮流離兮星分蔚霞萃兮雲作煥瓊嫵兮玉
璘於是翻階舞鶴近水潛鴛或流艷於綵蝶或馳輝於

紫鸞景灼爍兮搖颺風旖旎兮騰騫乃有仙侶招邀仙
蹤飛度凌聳翠以迴翔踏落紅而微步引習習之仙風
潤霏霏之仙露結仙佩之陸離幻仙衣之縞素時則深
閨銷夏別館迎秋鵲填漢渡人夢針樓彈銀甲兮綺栊
寂擣金盆兮瑣窻幽點露華兮葱削裏烟葉兮葦桑下
秦臺而携手詫守宮兮迴眸別有粧綴釵梁朶簪雲鬢
金釧閃光玉搔生暈釀新醪一壺餐落霞滿徑繡華茵
而絨鮮畫團紗兮色潤至若海上青禽雲中白鶴遲羽
客以同游掃苔衣而獨酌莫不吹鳳簫而花飛撥鳳槽
而花落謠曰鳳雙飛兮何翩翩欲乘之兮游戲人間翔

千仞兮不如花下眠
夢騎白鳳兮挾飛仙

菊賦

矢此清幽得氣之秋爾雅舉治牆之別號月令著黃華
於蓐收擢秀如高寒之士全貞如隱逸之流不恥居於
籬下亦寄傲於山陬原菊之名惟黃與白色應庚金氣
中無射枝不一芟土不再易任天澤以發舒恃地滋而
蕃殖立節非矜晚香佐餐能繼夕食雖殘猶耐夫雪霜
爲害祇去其蠹螭厥後菰之術漸廣菊之譜益增點染
旣非本色剪裁或借旁生插篠竹而穿以金縷出瓦盆
而登之碧罍鶴翎鶯羽同其品霞綃鴛錦異其種金毬
羅繖肖其狀楊妃西子美其名絢出房之粉壁張華筵

之錦屏燒蘭膏而照影酌桂酒而飛英幾令三徑開五
都之市豪家盜處士之聲乃有陶令門閒羅舍宅閉曉
秋容之易頽惜佳友之難致求淡交於風塵必葦堂之
棄賓盼白衣兮不來拈飄緜而書意

簾影賦

紗窗幽夢鶯啼醒空階花落人聲靜畫樓裊裊午香沉
院宇深深春色冷闌干六曲杳如煙好風剪斷湘紋影
低垂檻側斜揭窻虛鉤輕響寂竹細行疎罨游絲於空
際撲晴絮於春餘光映五花之簾塵封半榻之書雪窺
殘暈後風定上燈初爾其亭繞紗櫺齋題畫助珠光射
雲母之屏晶氣照琉璃之帳臨曲榭以高張對迴廊而
相向日高而蕉葉圖成月到而桐花捲上生憎燕子掀
開爲愛蟾蜍偷放況乃透秋庭之暑氣貯春閣之微寒
挹山嵐而欲瀉浮草色而不乾颺茶煙於花榭辨茗韻

於藥欄客來琴歇人倦書攤則有奩閣妝殘永紉寫就
掩皓魄而神傷怯西風而影瘦坐寂寂之深更度遲遲
之長晝河漢今宵又半斜海棠侵早還依舊珠箔銀屏
喚畫堂新調鸚鵡喚聲忙憑君隔住東風脚莫遣飛花
上繡床

桃花洞賦 以洞口桃花上巳山爲韻

今將題浣花之牋開釀花之甕移家花塢東西結鄰花
谿伯仲尋花徑兮雙屐攜溯花潭兮一帆送人如閬苑
探春地非天台入夢盈盈隔水雨花散到江洲歷歷回
山瀑布飛來玕洞一綫天通千盤石走虎豹當關蛟龍
有藪桃含笑兮無言洞藏春而不朽誰施鬼斧開自五
丁中有道書探從二酉說者謂江湖散人烟波釣叟號
元真所棲與樵青爲耦山借黃冠樹紆紅綬居之如壑
藏舟游者維筐戴斗此則鰣肥鷺白難招漁父回頭雨
細風斜艷說詞人繡口也春山十里春水一篙苔欹磴

折藤背籬牢鋤香泥而手滑翦濕雲而肩挑先移根於
海島始擢秀於林臯量來七尺珊瑚除是釣竿能拂捲
去千堆錦繡敢同簑笠爭高觀匪元都人問劉郎之樹
洞疑紫府仙苗曼叟之桃枝枝宿雨新雨片片朝霞晚
霞點綴千層絕壁繽紛萬丈盤窪含華西塞之頂照影
南湖之涯洞天一品港澈三义以太虛爲室卽予同之
家舊夢瀛洲唐待詔有時垂釣新泉乳穴陸居士過此
煎茶料應煮石爲糧十年面壁也抵入山采藥一笑拈
花斯時也花瓣沾衣花枝蕩漿花風翻換鶯之書花雨
送盟鷗之榜懷桃核以刻舟刷桃根而拄杖味到桃花

之粥淺碧浮甌打起桃花之魚落紅入網試看洞中洞
外何曾高出牆頭渾忘花落花開不比催歸陌上乃有
澤畔花農河陽花史嘶花種於微茫訂花經之疑似脩
禊花晨買春花市養花之日重三吹花之風廿四測土
敷膏接枝結綺量露井淺深架雲梯尺咫因嘉樹以結
廬區芳叢而畫址問荻花楓葉江干尚有漁家想菰飯
蓴羹洞口難逢道士不信鶴聲飛去門掩庚申除非燕
影歸來巢占戊巳爰爲之歌曰洞草青青終日開山桃
灼灼無人攀江風倒捲浪花舞不放花片流人間白頭
種花惜老眼盼到花繁長駐顏花開一曲漁歌子誤認

蓬萊卽塞山

賦卽駢體之文也學賦者不求之於賦先求之於文
文之見於賦者文選一書肇周訖梁取類極博繼選
而作有唐文粹一書導源別派瞭如指掌古賦昌於
漢魏排賦沿自六朝至律賦則盛於唐時後代取士
因之有官韻之限然卽以律賦論況而愈下猶文章
之有帖括矣名手作時文皆溯源古人之文則名手
作律賦亦當問津古人之賦夫律之爲言不移分黍
者也必先約束其心思堅整其筆力聲律對偶之間
旣規重而矩疊尤以立意爲要能之者用意筆先游

心題外仍一氣行之昌黎論文陳言務去維賦亦然
其所謂陳言者不切之謂也卽如此題是西塞山之
桃花洞作者旣知點明自當切定塞山著筆不可移
置他處否則武陵天台非游跡不到卽浮家泛宅如
鴟夷皮陸與志和先後漁隱者亦不一其人大凡一
題到手中有本意無論作詩作賦考古之士當知人
論世置身設想其地其時然後伸紙搖豪就本題應
用字面雙管齊飛以夾寫出之方能奪目至謀篇選
句濃淡淺深亦如八股文八韻詩有一定不移之法
然此皆雕蟲小技壯夫不爲因閱書院課卷有作律

賦而未協者挑燈賦此僅存童時伎倆不足爲法願
吾黨才能之士各研精致力於詩文講求根柢之學
則賦可不學而能況律賦耶特體例不可不知源流
不可不辨作法不可不明乃綴數語於篇末時道光
丁亥三月初十日脫稿後識於大治官舍之退一步
軒

鹿頭夕照賦

以南山佳氣鹿先知爲韻

客有吟覆蕉之夢停夾轂之驂者却鹿皮而輕厚幣揮
鹿尾而接清談履熊封花縣問鹿友茆庵有山壁立特
地衙參餐彼秀色淡此夕嵐比嘉賓延之座上與亢宿
現於弧南畫屏疊起金湖一灣鹿僊露頂鹿女煙鬟虎
過溪三笑豹窺穴一斑舉頭天外招手雲間閃鴉背之
斜照倚龍角而遙攀揖鶴軒兮拄笏架獅座兮當關遂
令游鹿苑者褰裳隔水訪鹿洞者借石他山山容春靄
山氣夕佳晚晴乍放新沐如揩炊煙欲暝未暝濕雲有
涯無涯柏偃臥而張蓋松鬱蟠而掛釵翠微隱寺蒼老

摩崖山徑之籬編鹿枳山家之門倚鹿柴欲跂足而呼
其侶終昂首而莫之階於時鐘響漸沉樵歸尚未人影
參差榆陰蔽芾尋幽者落花無言攬勝者嗽蔗有味策
銀鹿之奴以扶將觴銅鹿之僊而飲旣出頭地兮嶽峙
嵩高俯背流兮雲蒸霞蔚允宜占牛首之嘉名何以分
熊耳之餘氣有鹿在林屬山從麓凌絕頂以超騰渺羣
峯之俯伏衛之者如塵如麈如麀宮之者自腰自脚自
腹山有骨兮項能強山有髮兮頂不禿草成茵而茸生
石露根而牙齧非懸牌於宜春將啣花而受祿夫是以
戴七星而不知其高控六鼇而不嫌於獨也彼夫雉山

藏巢鳳嶺踰躔豈無虎豹之窟亦有蛟龍之淵非不吞
雲浴日障雨拖煙孰若此蔚藍排榻環翠當筵射牛斗
兮曦矚面龍門兮星聯溯漳源而氣吞八九頌臺萊而
秀毓三千與居與游以誦以弦抱觸石生雲之志睹鉤
心鬥角之篇失鹿者駒光過隙得鹿者鳬藻爭先客乃
顧而笑曰是山也當表此拳石之奇是鹿也休束以腰
版之馳將游丹臺玉室爲僊所騎豈戀豐草長林爲人
所縻從此煉五色石采九葉芝裁白雲片片趁紅日遲
遲笑籓羊之首觸許臯鶴爲心知角當解而藤蘿不繫
齒宜漱而苔蘚常滋他日傳鹿門之賦補鹿苹之詩山

可招而致者鹿倘從而和之

作排體賦勿爲官韻所窘凡考試作賦先要選韻韻之寬仄不齊賦家須斟酌勻排寬者裁之有餘仄者棄之可惜無論七韻八韻不使寬仄相形方合體裁緣排賦兩句用韻非如律賦四句用韻其要在韻短而氣長至後半幅寧寬毋仄然此猶選韻之一法耳他如句法篇法與律賦異曲而同工者神而明之又存乎其人矣余久不作排賦偶閱課卷拈此以示諸生適校士館將落成與鹿山相望喜與課者聯袂而來呦呦之鳴聽者當心知其意也

石林樵洞賦

以此中大人焉爲韻

耿少保柱石名臣儒林信史致身明隆萬之朝結鄰先
文憲之里高山仰止開後學者千百年古洞幽棲從先
生者十八子今日丹崖翠壁還招鶴表歸乎當年解帳
青瑣曾遇樵歌到此一拳兀立萬笏排空石梁瀉月石
磴飛虹石屋比藏舟之小石牀何席地之豐窮理窟而
石交共砥闡賢關而石罅可通兩字摩崖弱侯恪遵師
範一家同社介弟能繼宗工識者曰此間繁林蔚蒼瘦
石玲瓏洞藏花雨徑引樵風在昔有黃安夫子者曾講
學著書於其中方其宅掩蓬蒿門辭軒蓋契合東林西

林之間招尋大山小山之外豈洞龍早潛幽壑枚卜雨
霖如洞鹿高臥匡廬爰占秦兌立功德言不朽國幹維
貞通天地人曰儒匠成者大時有同里秦生號真樵者
荷簣過門擔簦載酒爰詢爰諮維薪維樵因而地以人
名業從師受非入桃花源問津非游鉅鰲潭記柳羅霄
星海百家傳播藝林放眼雲山一塔標題文藪近異僊
居飄渺畫石虛無深疑福地娜嬛書林富有因思往哲
邈隔前塵求友聲於伐木衍家乘以傳薪先民惟芻蕘
是採荒莊與木石爲鄰當其正笏登朝蛇鼠之奸未肆
入臺草奏嚴吳之罪惟均崇祀陽明致良知而願學求

全忠介扶直氣以還醇旣而南國剋材真假斧柯在手
東郊賜杖先從荆棘抽身由其沉幾觀變養素全真履
冰霜之歲月斂松柏之精神七年主講天臺非比考槃
石隱九疏乞歸林屋重尋看奕山人今猶石扉歷歷石
泉涓涓石齒粲若石骨森然客問尙書舊宅家存都諫
遺編午橋宰木成林思手澤而樵蘇久禁丙舍祠堂勒
石熱心香而俎豆遙傳然後知守先待後之業可久由
斷輪運斤之力能專求道者執柯不遠程功者刈楚爭
先繪洛社之耆英尙畱遺像集宋儒之語錄獨契真詮
相與掃山房落葉披巖壑荒煙至今四壁經香彈指道

林同在否一堂理趣點頭頑石與聞焉

作官韻律賦與時文無以異焉起首一段虛籠大意
次段當點明題之來歷如起講下入手處中間或二
段或三段發揮題之正面以後推廣言之至尾段仍
縮合題之本意大略不外佈局選韻琢句三者仍一
氣盤旋運以精思雙管齊下惟其切而已矣然相題
命意尤爲喫緊凡登臨懷古宜置身題中設想切定
其人其地其時然後落筆卽如耿恭簡公自前明嘉
靖登壇至萬歷間退位其時客魏之餓未張公首刻
吳冢宰語侵分宜且表海忠介之直聲紹王文成之

絕學隱然以明道彰教爲已任廟廊之上正氣方伸
公顧九疏乞歸去之惟恐不速蓋有鑒於履霜堅冰
之意他日東林網錮若早知之謂非明哲保身慮不
及此且一腔忠愛時流露語言文字之間於是繼往
開來所闡發者又不止致良知一節此等題斷非風
雲月露之詞所能描寫作者縱未窺全史亦當稽諸
邑乘數典稱先賦雖雕蟲小技亦知人論世之見端
要非漫作也偶閱萃英書院課卷與諸生講明律賦
體格乃點筆爲之且發明前賢未發之隱就中正喻
夾寫處却未曾一筆放鬆庶幾與此題相副然此猶

律賦耳若作古賦排賦體格不同非初學賦者所知
惟相題命意終未有外乎此者舉一以示之亦如作
時文之必先審題也辛卯三月初八日識於黃安官
廨之雙泉堂